



PRESIDÊNCIA DO
**CONSELHO
DE MINISTROS**

IX GOVERNO CONSTITUCIONAL



Gabinete
Porta-Voz

**Diskursu Enseramentu husi
Sua Exelénsia Ministru Prezidénsia Konsellu Ministrus,
Agio Pereira,
iha Apresentasaun ba Inisiativas Dezenvolvimentu Timor-Leste nian,
ba embaixadór estranjeiru akreditadu sira iha Timor-Leste,**

Dili, loron 20 fulan-fevereiru tinan 2025

Exelentísimu Señores Embaixadores
Distintu representantes Korpu Diplomátiku
Ilustre konvidadus,

Ida ne'e hanesan onra boot ida, lori Sua Exelénsia Primeiru-Ministru, Kay Rala Xanana Gusmão nia naran, hato'ó ba ita-boot sira ohin, momentu ne'ebé ita konklui ona sesaun importante ida-ne'e kona-ba inisiativas dezenvolvimentu Timor-Leste nian. Ita-boot sira-nia prezensa iha-ne'e reafirma ami-nia parseria ne'ebé forte no ami apresia tebes ita-boot sira-nia envolvimentu iha ami-nia jornada dezenvolvimentu nian .



PRESIDÊNCIA DO
**CONSELHO
DE MINISTROS**

IX GOVERNO CONSTITUCIONAL



Gabinete
Porta-Voz

Iha oras hirak ikus ne'e, ami fahe ho ita-boot sira vizaun jerál ida ne'ebé abranjente kona-ba ami-nia prioridades nasionais, hodi destaka esforsu estratéjiku sira ne'ebé hala'o hela atu reforsa ami-nia infraestruturas, diversifika ami-nia ekonomia no hadi'a timoroan hotu-hotu nia moris-di'ak. Esforsu sira-ne'e la'ós de'it imperativus estratéjikus; esforsu sira ne'e fundamentál atu harii nasaun ida ne'ebé reziliente no prósperu liu.

Sentru hosi ita-nia agenda dezvoltimentu maka programa infraestruturas ida ne'ebé metin no sustentável. Governu Konstitusionál IX define dezvoltimentu infraestruturas nu'udar pilár fundamentál ba Planu Dezvoltimentu Estratéjiku, ne'ebé rekoñese ninia importánsia hodi hadi'a mobilidade, fasilita komérsiu no loke oportunidades ekonómikas iha país laran tomak.

La'ós de'it kona-ba estruturas fízikas – ida-ne'e kona-ba kria baze ba transformasaun ekonómika no garante katak ema timoroan hotu-hotu, la haree ba fatin ne'ebé sira hela ba, iha asesu ba servisu no oportunidade esensiál sira.

Inisiativa prinsipál sira inklui:



PRESIDÊNCIA DO
**CONSELHO
DE MINISTROS**

IX GOVERNO CONSTITUCIONAL



Gabinete
Porta-Voz

- Dezenvolvimentu ba rede rodoviária: Hadi'a estrada nasional, munisípiu no rural tuir norma seguransa no qualidade internasionál, garante reziliénsia klimátika no hadi'a rota komersiál.
- Bee no saneamentu: Loke asesu ba bee-moos no saneamentu liuhosi jestaun ida ne'ebé sustentável no investimentu iha infraestruturas.
- Expansaun ba setór enerjétiku: Garante eletrisidade iha oras 24 nia laran kada laron ba reijaun hotu-hotu, reestruturá setór ne'e ho objetivu ba sustentabilidade finanseira no promove solusaun enerjia renovável.

Estratéjia bazeia ba eixu prinsipál tolu: planeamentu no reestruturasaun setór nian, reforsu jestaun no inspesaun no investimentu estratéjiku iha infraestruturá bázika sira.

Implementasaun medida sira-ne'e esensiál atu hamenus dezigualdade rejionál sira, hadi'a qualidade moris populasaun nian no garante kreximentu ekonómiku ida ne'ebé sustentável.



PRESIDÊNCIA DO
**CONSELHO
DE MINISTROS**

IX GOVERNO CONSTITUCIONAL



Gabinete
Porta-Voz

Aleinde infraestrutura, diversifikasaun ekonómika sai nafatin prioridade másima ida. Timor-Leste promove nafatin kreximentu iha setór-xave sira hanesan agrikultura, peska, turizmu no ekonomia azúl hodi kria oportunidade empregu ne'ebé sustentável.

Ita-nia Governu kompromete ona atu fó apoiu ba setór privadu, enkoraja investimentu no hadi'a ambiente empresariál hodi hasa'e kreximentu ekonómiku. Esforsu sira ne'ebé la'o hela atu hadi'a fasilitasaun komérsiu, atrai investimentu estranjeiru diretu no reforsa ita-nia partisipasaun iha kuadru ekonomia rejionál sira, inklui ASEAN no OMK, sei koloka mós Timor-Leste nu'udar ekonomia ida ne'ebé kompetitivu no nakloke.

Ita mós firme nafatin iha ita-nia kompromisu ba governasaun ne'ebé di'ak, transparénsia no Estadu direitu. Reforsa instituisaun sira, hasa'e efisiénsia, garante transparénsia no responsabilidade iha jestaun rekursus públiku ne'ebé importante tebetebes atu haburas konfiansa no alkansa rezultadu konkretu ba ita-nia povu.

Exelénsias, ilustre konvidadu sira,



PRESIDÊNCIA DO
**CONSELHO
DE MINISTROS**

IX GOVERNO CONSTITUCIONAL



Gabinete
Porta-Voz

Timor-Leste iha momentu krusiál ida ne'ebé iha ninia trajetória desenvolvimento. Ami iha vizaun ida ne'ebé klaru ba futuru no konvida ita-boot sira atu kontinua envolve ho ami, esplora oportunidades kolaborasaun no investimentu nian no serbisu hamutuk hodi harii Timor-Leste ida ne'ebé resiliente prósperu no inkluzivu liu.

Lori Primeiru-Ministru no Governu Timor-Leste nia naran, ható'o ha'unia agradesimentu ne'ebé boot tebetebes ba ita-boot sira-nia partisipasaun ohin loron ne'e. Mai ita kontinua diálogo no kooperasaun ida-ne'e, enkuantu luta ba futuru ne'ebé prósperu liu ba timoroan tomak.

Obrigadu barak!